



Broj: 17-14-14866-23
Sarajevo, 04.07.2018. godine

Na osnovu, člana 69. stav (2) tačka d) i člana 70. stav (4), a u vezi sa članom 111. stav (1) tačka d) Zakona o javnim nabavkama («Sl.glasnik BiH», broj 39/14) i člana 3. Uredbe o obrazovanju Stručne službe za zajedničke poslove Kantona Sarajevo («Sl. novine Kantona Sarajevo» br. 5/06 – Prečišćeni tekst), u skladu sa Rješenjem Ureda za razmatranje žalbi – Filijala/Podružnica Mostar broj: JN2-03-07-1-724-9/18 od 28.06.2018. godine, u postupku javne nabavke ustupanja usluga dezinfekcije, dezinfekcije i deratizacije objekata Kantona Sarajevo, načelnik Stručne službe za zajedničke poslove je donio

ODLUKU
o poništenju postupka javne nabavke dezinfekcije, dezinfekcije i deratizacije objekata
Kantona Sarajevo

Član 1.
(Predmet Odluke)

Poništava se postupak nabavke ustupanja usluga dezinfekcije, dezinfekcije i deratizacije objekata Kantona Sarajevo pokrenut putem konkurentskog zahtjeva za dostavu ponuda, evidencijski broj: 17-14-14866 i obavještenjem o nabavci broj: 1230-7-2-37-3-23/18 od 09.03.2018. godine.

Član 2.
(Obavještenje učesnika u javnoj nabavci)

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama («Sl.glasnik BiH», broj 39/14) (*u daljem tekstu: Zakon*).

Član 3.
(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 17-14-14866 od 30.03.2018. godine.

Javna nabavka je provedena putem konkurentskog postupka javne nabavke.



Ukupna procijenjena vrijednost nabavke iznosi 49.000,00 KM bez PDV-a.
Obavještenje o nabavci broj: 1230-7-2-37-3-23/18 objavljeno dana 30.03.2018. godine.
Tenderska dokumentacija objavljena je na portalu javnih nabavki dana 30.03.2018. godine.

Komisija za javnu nabavku imenovana je Odlukom o imenovanju: broj: 17-01-05-31300 od 20.10.2017. godine.

Krajnji rok za prijem ponuda bio je: 09.04.2018. do 11:00h, a javno otvaranje ponuda je upriličeno isti dan u Multimedijalnoj sali (Ul. Reisa Džemaludina Čauševića 1), sa početkom u 11:30h.
Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-14866-11 od 09.05.2018. godine koji ujedno čini preporuku o izboru najpovoljnijeg ponuđača.

Na osnovu dostavljene preporuke Komisije, dana 17.05.2018. godine donijete su Odluka o izboru najpovoljnijeg ponuđača broj: 17-14-14866-13 za LOT 1 i Odluka o izboru najpovoljnijeg ponuđača broj: 17-14-14866-14 za LOT 2. Odluke su u skladu sa članom 71. stav (2) Zakona dostavljene svim ponuđačima koji su učestvovali u javnoj nabavci.

Nezadovoljan Odlukom, ponuđač "Sanacija 3D" d.o.o. Sarajevo u žalbenom roku blagovremeno izjavljuje žalbu na istu.

Usljed prijema izjavljene žalbe, Ugovorni organ obustavlja postupak predmetne nabavke Odlukom o obustavi postupka broj: 17-14-14866-19 od 28.05.2018. godine do trenutka rješavanja žalbe.

Dana 02.07.2018. godine, ovaj Ugovorni organ je zaprimio Rješenje Ureda za razmatranje žalbi, Filijala Mostar broj: JN2-03-07-1-724-9/18 od 28.06.2018. godine kojim se djelomično usvaja žalba žalitelja "Sanacija 3D" d.o.o. i poništavaju Odluka o izboru najpovoljnijeg ponuđača broj: 17-14-14866-13 za LOT 1 i Odluka o izboru najpovoljnijeg ponuđača broj: 17-14-14866-14 za LOT 2., te ugovornom organu nalaže da okonča predmetni postupak u skladu sa stavovima Ureda za razmatranje žalbi iznesenim u navedenom Rješenju.

Shodno navedenom, ovaj Ugovorni organ cijeneći stavove i obrazloženja iznesene u Rješenju Ureda za razmatranje žalbi, konstatuje da ponuda prethodno izabranog ponuđača "IDS – Zdrava sredina" nije prihvatljiva, iz sljedećih razloga:

1. U cilju ispunjavanja uslova iz tačke 2.b) tenderske dokumentacije prethodno izabrani ponuđač je dostavio Listu osiguranih lica izdatu od Porezne uprave FBiH, broj 13-912-15-50-1231/18 od 29.3.2018. godine iz koje je vidljivo da zapošljava 14 zaposlenih, te dokaze kojim dokazuje da ima zaposleno 50% lica sa invaliditetom. Međutim, ugovorni organ je u svrhu dokazivanja ispunjavanja uslova za obavljanje predmetne djelatnosti tražio dostavljanje Rješenja o ispunjavnju uvjeta u pogledu stručne spreme zaposlenika, tehničke opremljenosti prostorija i drugih uvjeta kojima moraju udovoljavati zdravstvene ustanove, privredna društva odnosno fizičke osobe - obrtnici za obavljanje dezinfekcije, dezinsekcije i deratizacije ili izjavu/potvrdu nadležnog organa iz koje se vidi da ponuđač posjeduje zahtjevano Rješenje za obavljanje djelatnosti koja je predmet ove nabavke, što prethodno odabrani ponuđač nije dostavio.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1



2. Dostavljene potvrde o uspješnoj realizaciji ugovora u ponudi prethodno odabranog ponuđača nisu prihvatljive, jer ne sadrže elemente propisane članom 50. Zakona, te tačkom 4.b) tenderske dokumentacije, tj. nijedna potvrda ne sadrži mjesto izvršenja ugovora, dok Potvrda broj 70/18 od 7.4.2018. godine ne sadrži ni naziv i sjedište ugovornih strana, te se iz potvrde ne vidi ko je druga ugovorna strana koja je izvršila usluge dezinfekcije, deratizacije i dezinskekcije, niti sadrži tačnu vrijednost ugovora nego se navodi da je vrijednost izvršenih usluga više od 12.000,00 KM. S tim u vezi, ovaj organ ističe da dostavljene potvrde ne ispunjavaju uslove koje propisuje Zakon, ne sadrže obavezne elemente koji se odnose na mjesto izvršenja ugovora, naziv i sjedište ugovornih strana, tačnu vrijednost ugovora, zbog čega ovakve potvrde ne mogu služiti kao dokaz o ispunjavanju uslova propisanih tačkom 4.b) tenderske dokumentacije.

U skladu sa navedenim, ponuda ponuđača „IDS – Zdrava sredina“ d.o.o. se odbacuje kao neprihvatljiva u skladu sa članom 68. stav (4) tačka i) Zakona.

Ovaj ugovorni organ ostaje pri svim navodima o neprihvatljivosti ponude ponuđača „Sanacija 3D“ d.o.o. navedenim u Odluci o izboru najpovoljnijeg ponuđača broj: 17-14-14866-13 za LOT 1 i Odluci o izboru najpovoljnijeg ponuđača broj: 17-14-14866-14 za LOT 2, iz razloga što ista nije čvrsto uvezana, te je ista odbačena kao neprihvatljiva u skladu sa članom 68. stav (4) tačka i) Zakona.

Kako su u predmetnom postupku obje ponude ocijenjene kao neprihvatljive, ovaj Ugovorni organ vrši poništenje predmetnog postupka u skladu sa članom 69. stav (2) tačka d) Zakona.

Na osnovu gore navedenog, odlučeno je kao u dispozitivu ove Odluke.

POUKA O PRAVNOM LIJEKU:

U skladu sa članom 101. Zakona, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. Zakona.

Načelnik



Pripremila: Azra Sipović

Dostaviti:

1. Ponuđačima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1

